

四庫全書

史部

欽定四庫全書

史部
吳興備志
目錄
卷二

詳校官編修_臣曹振鏞

檢討_臣德生覆勘

覆校官生事_臣龔敬身

校對官主簿_臣汪日贊

謄錄監生_臣李大綬

欽定四庫全書

史部十一

吳興備志

地理類三

都會郡縣之屬

提要

臣等謹案吳興備志三十二卷明董斯張撰
斯張字遐周烏程人是編輯錄湖州故事分
二十六徵曰帝冑曰宮闈曰封爵曰官師曰
人物曰筭禕曰寓公曰象緯曰建置曰巖澤
曰田賦曰水利曰選舉曰戰守曰賑卹曰祥

孽曰經籍曰遺書曰金石曰書畫曰清閔曰
方物曰璣曰詭曰匡籍采摭極富于吳興一
郡遺聞瑣事徵引畧備每門皆全錄古書載
其原文有所考訂則附著于下蓋張鳴鳳桂
故桂勝體例如是而斯張因之雖意主博奧
不無以泛濫為嫌然當時著書家影響附會
之談剽竊擷摭之習實能一舉而空之故所
摘錄類皆典雅確核足資考据明季諸書此

此為差有實際黃茅白蒿之中可以謂之翹
楚矣乾隆四十二年八月恭校

總纂官臣紀昀臣陸錫熊臣孫士毅

總校官臣陸費墀

欽定四庫全書

提要

欽定四庫全書

史部十一

吳興備志目錄

地理類三

都倉郡縣之屬

卷一

帝冑徵

宮闈徵

封爵徵

卷二

官師徵

卷三

官師徵

卷四

官師徵

卷五

官師徵

卷六

官師徵

卷七

官師徵

卷八

人物徵

卷九

人物徵

卷十

人物徵

卷十一

人物徵

卷十二

人物徵

卷十三

筭禱徵

寓公徵

藝術徵

卷十四

象緯徵

建置徵

卷十五

巖澤徵

卷十六

田賦徵

卷十七

水利徵

卷十八

選舉徵

卷十九

戰守徵

卷二十

賑恤徵

卷二十一

祥孽徵

卷二十二

經籍徵

卷二十三

遺書徵

卷二十四

金石徵

卷二十五

書畫徵

清悶徵

卷二十六

方物徵

卷二十七

璫徵

卷二十八

璫徵

卷二十九

璵徵

卷三十

詭徵

卷三十一

詭徵

卷三十二

匡籍謚

欽定四庫全書

圖

目錄

吳興脩志自序

志吳興者韋昭而下若而人僅談氏見明志曰九江勞氏曰婁浦氏而鄉先生唐氏書後見浦之以帝紀紀郡非古也其剏為表志繁矣大率病勞氏之蕪求以簡勝而刻削不中程使人咨嗟焉往古之蹟浸以微此寓公徐長谷氏掌故之所由作也志金石山墟因乎談氏勞氏餘則仍其半而博取他傳記附益之其匠之獨者則水利土風雜攷之屬在唐志出較浦志如秦變周幾不

可復識而間据徐氏之什二漢沈瑜古遺孝也章華陳
之又一泄冶也而不書堂邑令有諫顏尚書西亭有記
錄循良也陸魯望賦蠶刺時事也亦不書聞衆侯請志
乎唐先生先生病矣無何竟不祿其門人王某李某輒
成書詭先生草以報或曰其序例先生手定草也或曰
否侯屬先王父序之王父遊先生之門懼失侯指不敢
訟非唐氏書序中第微言病不與聞云而郡之士大夫
求故寔者愈藉藉長谷氏書歲甲寅余始讀掌故甚偉

之廼稍取史籍比勘其軼而未甄者不乏也已補之為
一家言得六卷會病書竟罷今天啟甲子相去十年有
問居士疾者語及此書惜余不竟其業數責余黽勉將
事百許日再得七卷家苦少書間有儲久已佚去又病
不能就人借借鮮應者閔子康侯氏聞而傷之遺予書
曰夫人習乎近者其避古也若仇某及竑歿兄懷此舊
矣足下不起而成此書足下起而成此書亦可與存古
也即須書某及子京弟人生生甫姪為役乃出其藏書

幾五百種示余又居恒齋中所讀書有關郡事者立書
赫蹠相寄或雪夕叩闕余輒起篝火寫之凡數月得十
有六卷嗣張子殷子所借書亦皆至最後得叢錄一書
則康侯及其兄竝歿氏舊所輯也雖余書焚其複復益
三卷其白法志及藝文補別行復如千卷而余之補徐
氏書始克成嗟乎世之盜稱賢達驕吝滿胸視成人尺
寸之美如騶虞殺竊胎穀者豈少哉康侯其幾於晰無
我者也書成名曰脩志為徵者二十有六以匡籍譌終

之凡某事出某書某人出某書眉列其下人不敢軒輊
事不敢論斷以須夫志乎志者之采焉而已矣後之君
子得是書為唐氏徐氏翼且復乎婁浦氏表志之故娘
乎其足述哉然則志如是不已繁乎志也者外史氏上
之太史者志而史脩志而志竝歿名光德康侯名元衢
子京名元京人生生甫名自寅及申皆余同邑人

欽定四庫全書

吳興脩志卷一

明 董斯張 撰

帝冑徵第一

陳達始家長城生丞相掾康康生盱眙太守英英生尚
書郎公弼公弼生步兵校尉鼎鼎生散騎侍郎高高生
懷安令咏咏生安成太守猛猛生太常卿道巨道巨生
文讚武帝皇考也

陳書

陳武帝徵時常遊義興館于許氏夜夢天開數丈有數

人朱衣捧日而至今帝開口納焉上

陳文帝梁太清初夢兩日鬪一大一小大者先滅墮地
色正黃其大如斗帝三分取一懷之上

武帝未貴時直閤吏史溥夢有人朱衣執玉簡自天而
降簡上金字書曰陳氏五世三十四年遂凌空而上及
後主降隋史溥尚在

獨異
志

高祖追封世子克為孝懷太子王子立為豫章王諡曰

獻權為長沙王諡曰思

陳
書

衡陽王昌薨諡曰獻無子文帝以第七皇子伯信嗣伯信字孚之為西衡州刺史及隋師渡江與臨汝侯方慶並為東衡州刺史王勇所害

侯景平衡陽王昌拜長城國世子吳興太守時年十六神情秀朗明習政事高祖遣陳郡謝哲濟陽蔡景厯輔昌為郡又遣吳郡杜之偉授昌以經書昌讀書一覽便誦明于經義剖析如流

陳書

南康愍王曇朗武帝母弟忠壯王休先之子也曇朗少

孤有膽力善綏御武帝誅王僧辨留曇朗鎮京口紹泰
元年除中書侍郎監南徐州二年齊兵攻逼建業因請
和求武帝子姪為質乃遣曇朗恐曇朗憚行帝自率步
騎京口迎之使質于齊齊背約遣蕭軌等渡江武帝大
破之俘蕭軌東方老誅之齊人亦害曇朗于晉陽時陳
與齊絕勿之知武帝踐祚猶以曇朗襲南康郡王奉忠
壯王祠禮秩一全太子天嘉二年齊人結好始知其亡
詔贈開府儀同三司南徐州刺史諡曰愍子方泰襲封

方慶臨汝縣侯

鄱陽王伯山字靜之性寬厚美風儀又于諸王最長後主深敬之每朝廷有冠婚饗宴恒使為主居喪以孝聞子君範仕隋為溫鄉令

岳陽王叔慎字子敬宣帝第十六子也十歲能屬文時後主尤愛文章叔慎與衡陽王伯信新蔡王叔齊等日夕陪侍賦詩恒被嗟賞禎明元年出為湘州刺史加都督及隋師濟江楊素遣將龐暉畧地至湘州州內將士

尅日請降叔慎置酒會文武酒酣嘆曰君臣之義盡于此乎長史謝恭伏而流涕湘州助防遂興侯正理在坐起曰主辱臣死諸君獨非陳國臣乎縱其無成猶見臣節青門之外有死而已今日後應者斬衆咸許諾乃刑牲結盟遣人詐奉降書于龐暉叔慎伏甲待之暉入伏兵發縛暉等以殉皆斬之叔慎詔士衆數日中兵至五千人隋遣薛胄為刺史並請兵胄擒叔慎秦王斬之漢口

按叔慎正理亦陳氏之北地王也李延壽云磐石維城岳陽近之郡志載其畧復遺遂興予故詳著之惜哉宜黃為烈不終然賢于諸王侯遠矣

陳慧紀字元方武帝從孫也涉獵書史負材任氣從武帝年侯景帝踐祚封宜黃縣侯禎明三年隋師渡江慧紀率將士三萬人沿江而下欲趨臺城遣南康太守呂肅將兵據巫峽隋楊素擊之四十餘戰隋軍死者五千餘人既而隋軍屢捷獲陳之士三縱之肅收餘衆東走

慧紀時至漢口為隋秦王俊拒不得進聞肅敗偽引兵東下推湘州刺史晉熙王叔文為盟主水軍都督周羅暉守江夏及建業平隋晉王廣遣一使以慧紀子正業來喻又使樊毅喻羅暉上流城戍悉解甲于是慧紀慟哭而降入隋授儀同三司子正平頗有文學^上

新蔡王叔齊字子肅七歲能誦六經既悟玄寂又曉詩賦入隋為國子司業常推屈原之旨著籟記三卷蓋緣氣類之動以觸身世之感上述廟社下傷宗親雖詳寓

乎興替亦自見其窮愁

沈志道新
蔡王墓志

吳興王曄字承業後主長子也後主即位為皇太子曄性聰明好學執經肄業終日不倦博通大義兼善屬文為張麗華所構廢為吳興王入隋終長安

陳亡諸王隨後主入長安並配隴右及河西諸州各給田業以處之大業二年煬帝以後主第六女嫺為貴人絕愛幸召陳氏子弟盡還京師隨才叙用由是並為守

宰徧于天下

南史

陳叔達字子聰陳宣帝第十六子也在陳封義陽王十餘歲常侍宴賦詩十韻便就僕射徐陵甚奇之歷侍中丹陽尹都官尚書入隋為絳都通守義師至絳叔達歸款封漢東郡公武德四年拜侍中叔達明辨善容止每有敷奏縉紳屬目江南名士薄遊長安者多薦拔之五年進封江國公常賜食御前得蒲萄執而不食高祖問其故對曰臣母患口乾求之不能致欲歸以遺母高祖喟然流涕曰卿有母可遺乎因賜物百段貞觀初拜禮

部尚書建成元吉疾太宗陰行譖毀而高祖感其言叔
達固諫乃止至是太宗勞之曰武德時危難潛構知公
有讜言今之此拜有以相答諡曰忠有集十五卷

舊唐書

陳君實陳鄱陽王伯山子也仕隋為襄國太守武德初
以郡歸款封東陽公累轉鄧州刺史州邑喪亂之後百
姓流離君實至纔期月皆來復業天下諸州並遭霖潦
君實一境獨免太宗下詔勞之蒲虞等州戶盡入其境入
為太府少卿轉少府少監

陳京字慶復宜郡王叔明五世孫父兼右補闕翰林學士京善文詞常袞妻以兄子擢第累遷太常博士德宗在奉天聞段秀實為賊害七日不朝宰相謂方多難不宜壅萬幾京曰宰相言非也夫褒大節卹賢臣天下所以安況卓卓特異者乎帝曰善還京師擢補闕帝以盧杞為饒州刺史京劾杞固寵要位帝不聽京爭之帝大怒左右辟易京極道不可以死爭杞遂廢帝迎訪太后久不得意且怠京密白第遣使物色以求帝大悟終代

不敢置帝器京有宰相才欲大用會病勿果自考功員
外再遷給事中皆兼集賢殿學士

新唐書

宮闈微第二

公主附

公主非吳興產而食邑于郡者例得書

陳武宣章皇后本姓鈕父景明為章氏所養因改章少
聰慧美容儀手爪長五寸色並紅白每有期功之服則
一爪先折武帝先娶同郡錢仲方女早卒後乃聘后后
能誦詩及楚辭永定元年立為皇后拜后母蘓安吉縣

君追封后父景明廣德縣侯諡曰溫族兄鈕洽官至中

散大夫

陳書

文帝沈皇后武帝踐阼為臨川王妃文帝即位為皇后
廢帝即位尊為皇太后時宣帝與到仲舉劉師知並受
遺命輔政師知仲舉恒居禁中叅決衆事而帝為揚州刺
史居尚書省師知忌帝權重矯勅令還東府理州務宣
帝稱疾召師知留與語使毛喜先入言于后后曰伯宗
年幼政事並委二郎此非吾意喜出報帝帝因囚師知

自入見后仍自草勅請畫以師知付廷尉賜死自是政
歸宣帝后計無所出乃密賂宦者蔣裕令誘建安人張
安國使據郡反與因此圖帝事發被誅时后左右頗知
其事后恐逮黨與並殺之宣帝即位以后為文皇后陳
亡入隋大業初歸江南

後主沈皇后身居儉約衣服無錦繡之飾左右近侍纔
百許人惟尋繹圖史及釋典為事常遇歲旱自暴而誦
釋經應時雨降無子養孫姬子肩為己子與後主俱入

長安

並上

太宗賢妃徐氏名惠右散騎常侍堅之姑也父孝德試擬楚辭太宗納為才人俄拜婕妤再遷充容及太宗崩追思顧遇之恩哀慕愈甚發疾不自醫病甚謂所親曰吾荷顧實深志在早歿魂其有靈得侍園寢吾之志也因為七言詩及連珠以見志永徽元年卒時年二十四

舊唐書

代宗睿真皇后沈氏吳興人開元末以良家子入東宮

太子以賜廣平王寔生德宗天寶亂賊囚后東都掖庭
王入洛復留宮中時方北討未及歸長安而河南為史
思明所沒遂失后所在

新唐書

自武宣后以下郡志載而不詳故脩錄

天福八年十一月戊子吳越王元佐納妃仰氏仁銓之

女也

資治通鑑

以下公主

宋武帝第二女吳興長公主諱榮男適王偃常裸偃縛

之庭樹時天夜雪噤凍久之偃兄恢排閣詬主乃免

宋書

文帝女長城公主適謝緯

孝武帝女安吉公主適蔡約

並上

太祖賞佐命之功褚淵王儉等進爵增戶各有差處士

何點謂人曰吾作齊書已竟贊云淵既世族儉亦國華

不賴舅氏惶恤國家儉母武康公主故云然

資治通鑑

武帝女武康公主適徐演

南齊書

長城公主適何敬容

上

武帝女臨安安吉長城三公主並有文才安吉最得令

稱安吉主適王寔長城主適柳偃

梁書

武帝女會稽公主適沈君理

陳書

蔡凝美容止博學有詞章以名家子選尚信義公主拜

駙馬都尉

文帝女

侯鎮子淨藏尚世祖第二女富陽公主除員外散騎侍

郎

富陽公主適柳盼

按淨藏尚富陽公主矣盼之適宜再降耶

盼擲
后弟

到都彭城人尚文帝妹信義長公主官至中書侍郎出
為宣城太守

陳文帝長女豐安公主配留異第三子貞臣

並上

高宗女樂昌公主適徐德言

孟啟本事
詩詳瓊徵

徐綜吳興人始安太守尚永嘉公主

吳興統記叅
徐文公碑

後主第六女嫺

見前

唐西河公主降吳興沈氏後再降郭曖子汾州刺史某

沈亞之郭公墓志
按公主表適沈暈

德清公主昭宗女

唐書

封爵徵第三

爵隆五等昉虞夏郡人得封者書食邑于郡者
書

吳伐越墮會稽獲骨節專車吳子使來好聘且問之仲
尼曰骨何為大仲尼曰禹戮防風氏其骨節專車客曰
防風氏何守也仲尼曰汪芒氏之君也守封隅之山者

也國語 汪芒長翟國名

封隅山在吳永安縣

吳興郡禹貢揚州之域防風氏國也

唐十道志

楚滅越封越王無疆之子蹄于烏程歐餘山之陽為歐

陽亭侯子孫因以為氏

談志本路史

漢文帝封東海王搖之子為顧余侯即烏程之西余山

也

輿地志

烏程本烏程氏國秦為縣

路史

漢徐鴻立節校尉海西侯

長城人談志

錢咸林玄孫旗門將軍高密侯

長興志

錢讓富春公

談志

沈戎封海昏縣侯辭不就

宋書自叙

萬豪驃騎將軍東海侯

安吉志

抗徐字伯徐丹陽人鄉邦稱其膽智後為中郎將宗資

別部司馬擊太山賊破之封烏程東鄉侯五百戶遷長

沙太守

後漢書度尚傳參謝承書

張按文獻通考亦逸此錄

孫堅靈帝中平間錄前後功封烏程侯

吳志

孫皓封烏程侯遣就國西湖民景養相皓當大貴皓陰

喜而不敢泄

吳志此西湖長城之西湖也

吳朱治昆陵侯徙故鄣侯

子才嗣才子琬

沈珩永安鄉侯

沈約自叙

朱然永安侯改當陽侯

子績嗣吳志

鈕詳富春縣侯

談志

鈕淑尚書令臨水侯

子瑒嗣談志

徐詳都鄉侯

吳志

孫謙永安侯

吳志

沈曼定陽侯

沈約自叙

沈矯吳立武校尉偏將軍封列侯

吳志

劉超臨沂人以文帝佐命功封原鄉亭侯諡忠子訥嗣

晉書

錢廣長城人永世縣侯

宜興志
參晉書

丁潭永安伯

晉書

周玘以討陳敏定江南功封烏程縣侯子勰嗣

周札以討錢璦功封東遷縣侯

周贇大將軍從事中郎封武康縣侯

孔瑜建興初以討華軼功封餘不亭侯

並上

鈕胄東遷侯

談志

王廙字世將瑯琊人元帝時為左衛將軍封武康縣侯

晉書

錢彌長城人豫章縣侯

談志

施先安吉人歷青州牧封安吉侯子彬封中蠲侯

談志

宋邱淵之給事中龍鄉侯

談志
參隋
經籍志

沈淵之封繁峙縣五等侯

沈田子晉初封營道縣五等侯宋改封漢壽縣伯

邱道護新安太守條陽侯

吳興
統記

沈慶之南昌縣公進晉安郡公改始興郡公

宋書

沈法系平固縣侯

沈攸之平樂縣五等侯進東興縣侯再進貞陽縣公

王道隆吳平縣侯子法嗣

王宜興長壽縣男

沈演之吉陽縣侯

沈叔慎新寧縣男子融之嗣孫暢之曾孫華

沈文耀永陽縣侯

沈曇亮廣興郡公

沈懷明吳興縣子

沈文秀新城縣侯

並上

沈文季宋初封山陽縣五等伯進建安縣侯改封畧陽

縣侯齊改封西豐縣侯

叅宋齊二書

姚郢五城侯

後周書

齊茹法亮吳興武康人永明二年以權倖封望蔡縣男

南史

梅蟲兒吳興人東昏時以恩倖封竟陵縣男

上

梁徐整直閣將軍慈源縣侯

張九齡碑

姚宣業吳興郡公

唐宰相世系表

沈約建昌縣侯子旋嗣旋子寔

梁書

庾信字子山新野人侯景之亂奔江陵梁元帝承制除

御史中丞及即位轉右衛將軍封武康侯

後周書

陳武帝初封長城縣侯進封義興郡公

陳書

陳文帝初封長城縣侯

梁散騎常侍平北將軍兖州刺史長城縣公陳道譚

梁侍中驃騎將軍南徐州刺史武康縣侯陳休先

道譚武帝兄後封始興王休先武帝弟後封南康王

休先一作休光

陳胡頴字方秀漢陽侯子六同嗣東遷人

六同文獻
通考作商

錢道戢字子韜永安侯長城人子邈嗣

周文育封東遷縣侯

章昭達字伯通封欣樂縣侯改邵武縣侯進邵陵郡公
子大寶嗣位豐州刺史

沈法深封建城縣侯子欽孫觀嗣

沈君理初封永安亭侯賜爵望蔡縣侯諡貞憲

章景明封廣德縣侯

本姓鈕

明盛將軍原鄉侯沈炯諡恭

東興侯沈恪諡元子法興嗣

並上

章道勇封原鄉縣侯

談志

張按章昭達父名道蓋勇疑當作蓋

後周姚僧坦北絳郡公子察察弟最嗣

後周書

唐吳興郡王淑順宗孫

唐書

錢九隴字永業郇國公改封巢國公

上

徐堅慈原縣子進縣伯再進東海郡公

張九齡碑

陳叔達漢東郡公進江國公

唐書

徐嶠慈源縣公

談志

姚思廉豐城縣男

舊唐書

陳君寔東陽郡公

上

姚暉待寶郎襲豐城縣公

思廉子唐宰相世系表

陳岌武帝裔長城公

上

義寧初先祿大夫李神符封安吉郡公

舊唐書

杜淹封安吉郡公

張按唐設州而郡廢安吉又古縣名也此系郡公于
安吉之下殊不可曉

沈琳睿真后曾祖封徐國公

姚班累封宣城郡公

姚璦吳興伯諡成

姚崇初封梁縣侯進封梁國公

朱克融幽州節度使檢校司空吳興郡王

廣明三年邠寧節度使朱玫進封吳興侯

並上

沈叔明武康人潭州都督封吳興郡公

西吳里語

昭宗大順元年八月制加錢鏐吳興郡開國男

吳興脩史

吳越錢俶吳興郡王

見談志寺院下別見郡守

宋慶元二年三月己亥進封弟柄為吳興郡王

黃疇若字伯庸豐城人將作監丞許奕字成之簡州

人校書郎並兼吳興郡王府教授

見宋史

王炎亦吳興

郡王教授

見新安文獻志

穆陵既正九五皇兄濟王竝出判宛陵辭不就史彌遠以其有逼近之嫌徙寓于雲城西寶慶元年潘甫起兵尋事平史彌遠遣其客余天錫來遂縊于州治之便室貶王為巴陵縣公夫人吳氏賜度牒為女冠移居紹興

癸辛

禠識

德祐二年詔濟王特封鎮王賜諡昭肅

宋史

趙伯圭字禹錫嗣秀王後判大宗正事超拜太師寧宗詔贊拜不名追封崇王諡憲靖師揆字元輔歷陞節度

使檢校太保開府儀同三司襲封贈太傅澧王諡恭惠
師禹至開府儀同三司襲封贈太傅和王諡端肅師出
師彌與澤與擇相繼嗣封彌至保寧軍節度使累遷太
傅與澤贈少師追封臨海郡王與擇為浙江閩廣察訪
使

宋史

孟彥弼贈太師吳興郡王洛州人昭慈聖獻皇后母弟

也

孫觀泰國夫人墓志

沈該歸安縣侯進吳興開國公

玉堂雜記

施鉅文安郡開國侯

安吉州志

沈振字發之錢塘人長興縣男

萬善同歸序
叅雲巢集

沈括字存中錢塘人長興縣男

沈括除翰林
學士笏記

沈邁字文通振從子長興縣開國伯

西溪序

沈起字興宗

闕字

人長興縣男

沈括集

周淙長興縣男

宋史
新編

葛立方越國公

陳正
齋集

葛邲廣陵郡開國公

上

孟珙初封漢東郡公進封吉國公

宋史

珙父宗政寓吳興

丁勝封濟陽侯

烏青志

吳淵封金陵郡侯進爵為公

吳潛封許國公

李彥穎吳興郡公

談志德清學

盧草濮陽縣開國子

吳郡文粹

劉岑吳興郡開國侯

金陵梵剎志詳書畫微

曾炎家德清曲阜縣開國男進封子

詳寓公

錢象祖吳興郡開國公

真西山集

象祖即與史彌遠殺韓平原者

邢煥字仲文開封人詔以其女為康王妃王即位封德

清縣開國子

宋史

凌時中吳興郡侯

勞志

孟淳贈吳興郡公

勞志

黃鑄追封江夏郡公黃潛追封江夏郡公

詳人物

王伯顏至正中贈太原郡侯子禎襲

元史

趙師垂趙希永累贈吳興郡公

孟頫祖元史

趙與峇贈吳興郡公加封魏國公

趙孟頫贈魏國公諡文敏

並上

陸垕字仁仲江陰人贈吳興郡侯諡莊簡

南畿志

程繩翁郇父封烏程縣男

黃潛集

奇塔特章歷事四朝封德清王

海學

耿炳文長興侯

開國功臣錄

徐理西平人封武康侯

河南通志

施史君縉雲人吳興郡公

吳興備志卷一

欽定四庫全書

吳興脩志卷二

明 董斯張 撰

官師徵第四之一

節度使

制置使

承宣使

唐曰忠國軍吳越曰宣德軍宋曰昭慶軍李師悅加
建牙焉錢氏時屹為重鎮宋初節度使無所掌其政

咸屬郡守命曰知軍州節度使特虛銜耳或以恩倖遙領之或為大臣責降散官承宣使制置使亦如之雖然其名未可湮也于是乎志

唐李師悅工部尚書檢校太保忠國軍節度使

談志乾寧三年

徐州小吏李師悅得黃巢偽符璽獻于朝拜湖州刺

史昭宗時授節度使

西吳里語詳見郡守

按溫公通鑑師悅以中和將破巢功得刺湖與此小異

李彥徽前綿州刺史起復襲父位權兵馬留後

吳越脩史作繼

徽

按英華載張玄晏授李繼徽泰州節度使制則繼徽自

一人當以彥徽為正

乾寧四年命海昌鎮將高彥為湖州制置使

吳越脩史

蔡卞字元度仙遊人紹聖中歷尚書左丞專托紹述中

傷善類徽宗時知樞密院尋罷拜昭慶軍節度使進檢

校少保開府儀同三司政和末贈太傅諡文正高宗朝

追貶單州團練副使

宋史

初欽宗內侍昭慶軍承宣使容機圍城中時乞致仕高宗命起之右諫議大夫兼侍讀衛膚敏言自古帝王未有求閹寺于閒退而用者遂寢

宋史

錢俱檢校太尉宣德軍節度使

談志

沂王柄領昭慶軍節度使贈太保諡靖惠

宋史

趙不儔宋宗室除昭慶軍節度使遷檢校少保贈高平

郡王

宋史

趙令碑宋宗室昭慶軍節度使

趙明道墓志

趙士歆宋宗室昭慶軍承宣使

上

趙不忌字仁仲濮王之裔紹興中進士歷江西轉運判官累昭慶軍承宣使居官所至有聲立朝好拍畫天下事孝宗嘉其直諒每與宴禁中帝顧謂皇太子曰此賢

宗室也

南昌府志

不忌贈開府儀同三司崇國公

見葉水心集

韓世忠字良臣延安人歷檢校少保武寧昭慶軍節度

使

宋史叅新
安文獻志

張按宋之世忠安化武寧二鎮節度非昭慶軍也錄
以存疑

楊存中本名沂中字正甫代州人

張俊字伯英成紀人累功除檢校少保昭慶軍節度使

南昌
府志

楊傖存中子簽樞昭慶軍節度使

宋史

紹興中太傅昭慶軍節度使開府儀同三司平樂郡王

韋淵請建家廟賜以祭器

文獻通考

劉茂昭慶軍節度使

周必大玉堂類藁

楊次山字仲甫上虞人恭聖仁烈皇后兄也歷太保授

昭慶軍節度使改封會稽郡王上

俞昭顯字紹明婺源人駙馬都尉乾道元年兼授武德

大夫昭慶保康保寧三鎮節度使控制河右

徽州府志

董仲永昭慶軍承宣使

大慧語錄

霍汝弼昭慶軍承宣使

見洪括進萬首唐詩絕句表

甘昇內侍省押班遷昭慶軍承宣使

玉堂類藁

紹興三十一年幸醫昭慶軍承宣使王繼先坐事貶福

州居住上

王德謙嘉邸都監遷昭慶軍承宣使

宋史

淳熙十三年正月庚子以昭慶軍節度使士峴為開府儀同三司十六年三月甲寅進少保

淳熙十六年正月戊寅以昭慶軍承宣使郭師禹為保

大軍節度使

安撫使

安撫掌一路兵民以便宜裁斷吳興自錢信後不獲見非常員也

浙江路帥府杭州要郡平江湖州次要郡秀州

李忠定見

議

宋錢信太平興國三年授宣德軍安撫使知湖州

見談志碑

碣類又為節度使

詳談志寺院類

元史樞字子明燕之永清人署安吉州安撫使時新附

之民所在依險阻自保樞以誠信招懷之復業為民者
以千萬計元史

監司

觀察使 轉運使 浙江提刑 浙西提舉

浙西廉訪僉事 運判 觀察判官

秦有監察史監諸郡漢置諸州刺史常以八月巡行
所部郡國錄囚徒考殿最唐有採訪使觀察使宋有
轉運使及浙西提刑檢察所部財賦訟獄舉刺官吏

又置提舉常平茶鹽公事凡州縣之不加恤者皆劾以聞高宗嘗曰監司朝廷耳目得其一人則一路安不可不擇明興以臬董之駐其地獄訟自鬼薪以上無不聞任綦重也前志闕焉無紀蒙竊惑焉今自唐以下撫其一二有關吾湖者若明興賢監司不乏豐碑所紀者彥所傳竝有事于志者

唐湖州觀察使崔黯

歐陽脩
集古錄

大厯七年真卿刺是邦時浙西觀察判官殿中侍御史

袁高巡部至州會于杼山

顏真卿杼山妙喜寺碑

浙西觀察使韓臯封杖決湖州安吉令孫澥四月內死

元稹集

太平興國七年轉運使高冕奏析烏程置歸安

曾致堯為兩浙轉運使常上言去歲所部秋租惟湖州

一郡督納及期而蘓常潤三州悉有逋負請各按賞罰

太宗以江淮頻年水災蘓常特甚致堯所言刻薄不可

行詔戒之倍加安撫勿得騷擾

容齋隨筆

曾致堯字正臣南豐人太平興國八年進士歷太常
博士性剛率好言事前後屢上章奏詞多激訐真宗
即位累遷戶部員外郎因抗疏狂躁被黜致堯頗好
纂錄所著有仙鳬羽翼廣中台志清邊前要西陲要
紀為臣要紀

宋史

沈立字立之歷陽人遷兩浙轉運使蘓湖水民艱食縣
戒强豪民發粟以賑立亟命還之而勸使自稱貸須歲
稔官為責償茶禁害民山場權多在部內歲抵罪者輒

數萬而官僅得錢四萬立著茶法要覽乞行通商法三

司使張方平上其議後罷權法

宋史

劉從廣字景元歷浙西觀察使仁岳法師年老還鄉雲

守請至祥符命從廣為奏從廣後贈昭慶軍節度使

佛祖

統紀叅

宋史

余端禮之宰烏程也有富佑抵罪本部詳刑使者張宗

堯以書解免之端禮不啟視竟置之法

楊萬里余公墓志

張宗堯字淵道泰州人朱熹榜進士

見宋登科錄

秦檜深忌趙鼎張浚鼎謫吉陽軍門人故吏皆不敢
通問惟廣西帥張宗元時饋醪米鼎既死而浚獨存
未快其意江西運判張常先箋注前帥張宗元與浚
詩言于朝連逮者數十家將誣以不軌獄既具檜死
得免

宋史

通判江州豫州守張宗元忤檜或中以飛語事下漕
臣張常先宗元道九江常先檄義問拘其舟義問投
檄曰吾寧得罪不為不祥常先白檜罷去

宋史

張杓字定叟湖北提舉常平奏事帝大喜諭輔臣曰張浚有子如此改浙西督理荒政蘇湖二州皆缺守命兼攝焉有宰執姻黨閉糴杓首治之帝獎其不畏強禦遷兩浙轉運判官未幾以直徽猷閣陞副使

宋史

張體仁淳熙十六年提舉浙西常平行部捐米五百石于湖學收養貧民之棄其子者

談志詳賑恤徵

孫子秀字元寔餘杭人紹定進士為浙西提刑冒暑周行郡縣獄為之清安吉州婦人愬人殺其夫與二僕逮

繫者拷掠莫得其寔子秀密訪之乃婦賂宗室子殺其夫僕救之并殺以滅口一問即伏遠近稱神明後進太

常少卿

浙江通志
黃氏日抄

陳塤字和仲鄞人試禮部第一歷浙西提刑安吉州俞垓與丞相李宗勉有連恃勢黷貨塤禁草之弓手戴福以獲潘丙功為副尉宗勉倚為腹心暴橫貪害民所不堪塤將捕治福聞風而遁塤遺宗勉書曰塤治福所以報丞相也傳聞走丞相府賢輔弼不宜有此宗勉荅書曰福罪惡貫

盈非君不能治宗勉雖不才不敢庇奸凶惟君留意及
獲福于隆興衆欲殺之頃曰若是則刑濫矣乃加之墨
徇于市囚之圜土以吏部侍郎召及為國子司業諸生

咸相慶以為得師

宋史

董敦逸字夢授永豐人第進士為湖州運判累遷侍御
史瑤華秘獄成詔詣掖庭問敦逸察知寃狀上疏謂臣
恐得罪天下哲宗怒用他事出知興國軍徽宗立召為
左諫議大夫敦逸極言蔡京蔡卞過惡遷戶部侍郎

宋史

趙良淳知安吉州德祐初元兵南下良淳日營守禦之
脩尋以徐道隆為浙西提刑以輔良淳皆殉難道隆字
伯謙武義人上

韓鏞字伯高濟南人天厯元年僉浙西廉訪司事繫奸
暴黜貪墨時舉烏程縣尹于文傳治行為諸縣最所至
郡縣為之肅然元史

至元後二十三年八月蘇湖多雨傷稼百姓艱食浙西
道提刑按察司雷應請于朝發廩米二十萬石賑之江

淮行省以發米太多議存三之一應曰布宣皇澤恩養困窮行省臣職耳豈可效有司出納之吝耶行省不能奪悉給之

通鑑

行省右丞董搏霄磁州人以儒生起家為能吏會天下亂乃復以武功自奮從平章嘉琿征安豐奉命移軍援江南至德清而杭州已陷嘉琿問計搏霄曰賊見杭城子女玉帛必縱酒戲婦女不為脩宜急攻若退保賊乘銳趨京口則江南不守矣諸將難之嘉琿不能決搏霄

曰公江浙相君方面失陷不能取誰任其咎拔劍目諸將令必前曰相君在是慢令者斬進兵杭州賊迎敵搏霄麾壯士特前十戰七勝復杭州

元史又詳見輟耕錄

郡守

東晉

太安二年石冰作亂前吳興內史顧祕起義兵討之祕檄葛洪為將兵都尉攻冰別帥破之遷伏波將軍冰平洪不論功賞徑至洛陽欲搜求異書以廣其學

晉書叅惠帝紀

及葛洪傳亦見抱朴子自叙

周玘傳石冰畧有揚土玘及吳興太守顧祕都督揚州九郡軍事斬冰所置吳興太守區山

顧衆吳人父祕曾蒞吳興吳興義故共遺衆錢二百萬一無所授後王敦欲以衆為吳興內史衆舉桓彝彝亦讓衆事並不行

上

顧祕字公真歷交州刺史陸機贈之以詩云顧侯體明德清風肅已邁發跡翼藩后改授撫南裔

晉百官名參陸

士衡集

周玘字宣佩義興人征西將軍處子也行建武將軍吳

興太守諡忠烈

並上

初吳興人錢璦起兵誅陳敏朝廷命為建武將軍使率其屬會于京都璦至廣陵聞劉聰逼洛陽畏懦不進朝廷促以軍期璦乃反時王敦遷尚書當應徵與璦俱西璦陰欲殺敦藉以舉事敦聞之奔告于朝璦遂殺度支員外陳豐焚燒邸閣自稱平西將軍周玘率合鄉里義眾討平之

周勰字彥和玘子也時中國亡官失守之士避亂來者多居顯位駕御吳人吳人頗怨勰因之欲起兵潛結吳興郡功曹徐馥馥家有部曲勰使馥矯稱叔父札命以合衆豪傑樂亂者翕然附之以討王導刁協為名孫皓族人弼亦起兵廣德以應之馥殺吳興太守袁琇有衆數千將奉札為主時札以疾歸家聞而大驚乃告亂于義興太守孔侃勰知札不同不敢發兵馥黨懼攻馥殺之孫弼亦潰上

沈陵永安人元帝為鎮東將軍陵叅軍事徐馥之亂

陵討平之

沈約
自叙

懷帝永嘉五年蝮鼠出延陵郭景純筮之曰此郡東

之縣當有妖人欲稱制者亦尋自死矣其後吳興徐

馥作亂殺太守袁瑒馥亦尋滅是其應也

晉五行志

周札字宣季玘弟也性矜險好利外方內荏少以豪右

自處州將辟命皆不就察孝廉除郎中徐馥平以札為

奮武將軍吳興內史

上

周筵處孫也卓犖有才幹歷黃門侍郎時周勰謀作亂
欲奉叔札為主札不應札子續潛聚衆應之馥已潰滅
而續兵未解丞相睿議發兵討之王導謂發兵不易續
從兄筵忠果有謀請獨使筵往足以誅續從之筵與義
興太守孔侃協謀即侃坐上叱使人格殺之因欲誅勰
札不聽而止筵不復過家省母長驅而去其公忠如此
遷太子右衛率轉吳興內史王敦難作時叔札以右將
軍都督石頭諸軍事筵聞札開門延盜憤叱慷慨形于

詞色敦既得志忌周氏強盛于是筵與叔札兄懋皆遇害上

會稽內史周札兄子筵吳興內史王敦使人告札及諸兄謀不軌殺之敦死札筵故吏頌其寃宜加贈諡下八座尚書卞壺議以札石頭之役開門延寇遂使賊敦志亂札之責也追贈義所未安懋筵兄弟宜復

本位

冊府元龜

周鎮字康時陳留尉氏人清約寡欲所在有異績罷臨

州郡還都未及上住泊清溪渚王丞相往看之時夏日
暴雨卒至舫至狹小而又大漏殆無復坐處王曰胡威
之清何以過此即啟用為吳興郡

晉中興書

王羲之字逸少琅琊臨沂人吳興太守歷右軍將軍會

稽內史

晉書

王獻之字子敬羲之第七子也草隸骨力不及父而頗
有媚趣才器高邁風流為一時冠起家州主簿祕書丞
尚新安公主除建威將軍吳興太守徵拜中書令謚曰

憲晉書

沈嘉字長茂吳興太守

書記洞詮

殷康陳郡人吳興太守有集五卷

續晉陽秋參隋書

謝安字安石陽夏人吳興太守歷太傅諡文靖有集十

卷晉書

穆帝升平二年八月以吳興太守謝萬為西中郎將豫州

刺史

晉書謝萬字萬石安弟歷散騎常侍

謝萬作吳興郡其兄安時隨至郡中萬眠嘗晏起安

清朝便往牀前叩屏風呼萬起

俗說

謝萬才器雋秀善自衒耀致有時譽兼善屬文能談

論時人稱之

晉中興書

車胤字武子南平人隆安初遷吳興太守辭疾不拜

加護國將軍丹陽尹

晉書

會稽王世子道子以西陽王羨玄孫珣之為後珣之

歷吳興太守劉裕伐關中以為諮議叅軍時帝道方

墜珣之為宗室之美與梁王珍之俱被害上

桓玄篡晉使御史中丞祖台之奉輔國將軍司馬

珣之居喪無禮坐廢徙家

書

謝邈字茂度安從子也性剛鯁無所屈撓頗有理識累遷侍中後為吳興太守上

謝邈姪方明隨邈在吳興郡時孫恩寇東土諸郡皆響應吳興民邱虓胡桀部驃破東遷縣方明勸邈避之不從賊至被害方明逃竄遂免初邈舅子長樂馮嗣之及北方學士馮翊門生仇玄遠俱往吳興投邈

並舍之郡學禮待甚簡三人並愠與恩通及郃驃等
攻郡並預其謀恩入海嗣之等不得同去方更聚謀
方明結邈門生義故得百餘人掩討嗣之等悉擒而
手刃之

朱序字次倫義陽人孝武帝寧康二年長城錢步射錢
洪等作亂以序為中軍司馬吳興太守討擒之歷豫州

刺史

參孝武帝紀
及朱序傳

王坦之字文度太原人歷左衛將軍坦之有風格尤非

時俗放蕩不敦儒教著廢莊論簡文帝臨終詔大司馬
溫依周公故事坦之自持詔入于帝前毀之乃改詔焉
溫死與謝安共輔幼主遷中書令都督徐兗青三州諸
軍事北中郎將諡曰獻

上談志云坦之吳興太守出歷官記

王胡之字修齡臨沂人弱冠有聲譽歷侍中郡守丹陽
尹素有風疾發動甚數而神明不損石虎死朝廷欲
綏輯河洛以胡之為西中郎將司州刺史假節以疾固

辭未行而卒

晉書

胡之吳興太守見談志

謝太傅稱王脩齡曰司州可與林澤遊或問林公司

州何如二謝曰故當攀安提萬

世說

胡之性簡達好玄言

宋明帝文章志

胡之治身清約以風操自居

胡之列傳

虞潭字思奧會稽人以討沈充功進爵零陵縣侯歷散

騎常侍出為吳興內史徵拜尚書諡孝烈

晉書

吳興太守虞潭討蘇峻潭母孫氏謂潭曰吾聞忠臣

出于孝子之門女當舍生取義勿以吾老為慮也盡

遣家僮從軍鬻珮環以給軍實時會稽內史王舒遣

子允之為督護與允之合勢潭乃率眾攻賊

潭子名楚

陶回丹陽人吳興太守在郡四年徵拜散騎常侍回性

雅正不畏強禦徙護軍將軍封安樂伯諡曰威

晉書

回字公淵見何氏語林

江灌字道羣陳留人有才器與從兄道名相亞仕尚書

中護軍

晉中興書

灌吳興太守見晉書迨子蔚亦守吳興

劉尹道江道羣不能言而能不言

世說

孔愉字敬康會稽人累遷吳興太守沈充反棄官還京師歷御史中丞尚書令恪勤貞固始終不渝尋除左光

祿大夫諡貞

晉書云入新安山中改姓孫氏

孔坦字君平愉從子歷咸和中為吳興內史歲饑運米以賑窮乏百姓賴之封晉安男加建威將軍尚書諡簡

晉書叅

杭州志

孔坦遷侍中時成帝每幸丞相王導府拜導妻曹氏
有同家人坦切諫及帝既加元服猶委政王導坦發
憤以國事為已憂常從容言于帝曰陛下春秋已長
聖敬日躋宜博納朝臣咨諏善道由是忤導出為廷
尉上

孔巖字彭祖愉從子有才學歷丹陽尹尚書西陽侯在
朝多所匡正為吳興太守大得民和

中興書
晉書巖作巖

殷浩臨揚州請孔巖為別駕遷尚書左丞時朝廷崇

樹浩以抗擬桓溫溫不平浩又引荒人謀立功于閭外嚴言于浩曰當今時事艱難使君屈已應務屬當其會聖懷所以日昃匪懈每欲深根固本靜邊寧國耳内外之任各有攸司深思庶藺屈伸之道平勃相和之義然後乃可保大定功平濟天下也哀帝踐祚太和中拜吳興太守加秩中二千石

晉書

簡文言謝安南清令不如其弟學義不及孔巖居然

自勝

世說

胡巖字起祖左遷吳興太守

談志

張按晉書無胡巖豈孔巖字彭祖之誤耶姑以俟洽

聞者

孔廡會稽人琳之父吳興太守遷廷尉歷光祿大夫

晉書

參南史

庾義穆帝時為吳興內史

晉書 義一作義字叔和

張玄之字祖希吳郡太守澄之孫也少以學顯歷吏部

尚書出為冠軍將軍吳興太守卒于郡

續晉陽秋

司空顧和與時賢共清言張玄之顧敷是中外孫年並七歲在牀邊戲于時聞語神情如不相屬瞑于燈下二兒共叙客主之言都無遺失顧公越席提其耳

曰不意袁宗復生此寶

世說

虞駿字思行歷尚書郎吳興太守徵為金紫光祿大夫王導常謂駿曰孔愉有公才而無公望丁潭有公望而無公才兼之者其在卿乎

晉書

駿虞翻曾孫潭兄子也雖機幹不及潭而素行過之

虞光
祿傳

王蘊字叔仁太原人孝武定皇后父也補吳興太守屬
郡荒人饑輒開倉賑恤朝廷以違科免蘊官士庶詣闕
訟之左降晉陵太守復有惠化定后立封建昌縣侯歷
尚書左僕射上

袁湛字士深陽夏人也少為謝安所知安以兄子玄女
妻之義熙中守吳興蒞政和理為吏民所稱入補中書
令累遷太尉司空諡敬上

元興初桓玄反殺吳興太守高素劉牢之北府舊將也
上

晉譚聯吳興內史

萬姓
統譜

談全為吳興太守後辭疾隱武義小姬山

金華
府志



吳興備志卷二

欽定四庫全書

史部
吳興備志卷
四三

詳校官編修_臣曹振鏞

檢討_臣德生覆勘

覆校官主事_臣龔敬身

校對官主簿_臣汪日贊

謄錄監生_臣李大綬

欽定四庫全書

吳興脩志卷三

明 董斯張 撰

官師徵第四之二

郡守

宋齊梁
陳隋

郡志載宋謝莊謝澹陳周文育周碧沈君理張攷沈
約姚思廉李延壽三書莊君理皆吳郡守非吳興也
澹及二周傳亦無守吳興語不敢濫入王秀之已載
掌故

劉子頊字孝列宋孝武第七子大明四年封歷陽王仍為冠軍將軍吳興太守歷雍州都督應晉安王子勛舉兵兵敗遇害

以下並宋書

劉子真字孝貞孝武第十一子大明五年封始安王仍為輔國將軍吳興太守

劉景素建平王宏子也少愛文義太宗初為冠軍將軍吳興太守歷南徐州刺史元徽三年舉兵被殺

劉休若孝建初封巴陵王大明五年為左右郎將吳興

太守泰始元年領安東將軍督吳吳興晉陵三郡歷車騎大將軍江州刺史為太宗所忌徵還賜死

以上四人並遙領太守

劉韞字彥文長沙王孫宣城太守晉安王子勛為亂大衆屯據鵲尾攻逼宣城于是四方牧守莫不同逆惟韞棄郡赴朝廷太宗嘉其誠孝建初以為侍中南兖州刺史吳興太守昇明二年以與討蕭道成遇害

劉勰字彥和韞弟侍中吳興太守

劉顥字彥明勳弟冠軍將軍吳興太守未拜元徽四年卒

劉遵考宋武帝族弟也封營浦侯元嘉二十一年為五兵尚書遷吳興太守二十五年徵為領軍孝建元年魯爽臧質反為征虜將軍率眾屯臨沂縣仍除吳興太守明年徵為湘州刺史歷侍中左光祿大夫謚曰元公王裕之字敬宏胡之孫也晉世除太尉從事中郎出為吳興太守宋世歷吏部尚書謚文貞

劉瑀字茂琳彭城人穆之孫式之子也少有才氣為太祖所知遷御史中丞瑀使氣尚人為憲司甚得志彈王僧達云蘊籍高華人才冗末朝士莫不畏其筆端尋轉右衛將軍瑀願為侍中不得謂所親曰人仕宦不出當入不入當出安能常居戶限上因求益州遷吳興太守歷吏部尚書

劉延孫彭城人孝建元年遷丹陽尹臧質叛上深以東土為憂出為冠軍將軍吳興太守置佐吏事平徵為右

僕射歷尚書左僕射東昌侯謚文穆

向靖字奉仁小字彌山陽人世居京口與高祖少從游
平京邑加寧遠將軍為吳興太守義熙十年高祖北伐
督北青州諸軍事高祖受命封曲江縣侯彌治身儉約
不營室宇無田園商賈之業時人稱之

張永字景雲吳人能文章善隸書騎射兼善雜藝受知
于文帝帝每得永表啟輒執玩咨嗟嘆供御者不及也
歷御史中丞廢帝永光三年出為吳興太守太宗即位

除吏部尚書復以為吳興太守未拜徙為吳郡太守以
破薛索兒功封孝昌縣侯

王惠字令明臨沂人恬靜不妄交游未嘗有雜事宋武
帝聞其名以問其從兄誕誕曰惠後來秀令鄙宗之美
也永初三年遷詹事轉尚書吳興太守歷吏部尚書

王曇生臨沂人好文義以謙和見稱歷吏部尚書太常
卿出為吳興太守明帝初與四方同逆戰敗歸降被宥
王謙之字休光臨沂人晉司州刺史胡之曾孫也孝建

初歷驍騎將軍御史中丞吳興太守以南下之功封石陽縣子贈前將軍謚肅

謝瞻字宣遠陽夏人兄弟晦權遇已重言于高祖曰臣本素士父祖位不過二千石弟年始三十志用凡近榮冠臺府特乞降黜以保衰門前後屢陳高祖以瞻為吳興郡又自陳請乃為豫章太守

周嶠汝南安城人尚高祖第四女宣城德公主二女適建平王宏廬江王禧以貴戚顯官元嘉末為吳興太守

賊劬弑立隨王誕舉義于會稽劬加嶠冠軍將軍誕檄
又至嶠素懼却回惑不知所從為府司馬丘珍孫所殺
朝廷明其心國婚如故

王韶之字休泰臨沂人晉世遷黃門侍郎領著作為晉
史序王珣貨殖王廐作亂珣子弘廐子華並貴顯韶之
懼為之陷深結徐羨之傅亮等景平元年為吳興太守
羨之被誅王弘入為相領揚州刺史韶之在郡常慮為
弘所繩夙夜勤厲政績甚美弘亦抑其私憾在任積年

稱為良守加秩中二千石徵為吏部尚書元嘉十二年再為吳興太守

謝述字景先陽夏人封吉陽縣侯歷中書侍郎左衛將軍補吳興太守在郡清省為吏民所懷卒官喪還未至都數十里殷景仁劉湛同乘迎赴望船流涕

蕭惠明南蘭陵人思話次子也有世譽歷黃門郎御史中丞吳興太守

殷沖字希遠陳郡長平人歷御史中丞出為吳興太守

遷度支尚書

孝武帝即位偽司隸校尉殷沖賜死沖為元凶劄草

立符文又妃叔父也

並上

王奐字彥孫惠從孫昇明末為吳興太守入齊歷左僕

射出為雍州刺史

叅宋齊二書

孔山士吳興太守歷丹陽尹

見沈麟士及陸澄二傳宋書作坐

山士歷顯位侍中會稽太守坐小弟駕部郎道穰逼掠

良家子女白衣領郡

家書

會稽孔愉愉子安國愉生靖靖子山士靈符四世五人
為本郡太守

邵道護黃門侍郎出為吳興太守

談志

梁大同七年東宮直沈文沖表曰祖吳興太守道思少

耽玄默宅舍為觀即德清紫極觀也

吳興統紀

顧琛字弘偉吳人討元凶劭事平遷吳興太守孝建元
年封永興縣五等侯大明中仍為吳興太守歷中散大

夫
宋書

張瓌字祖逸永子也封平都侯遷侍中出為征虜將軍
吳興太守烏程令顧昌言有罪瓌坐不糾免官後為光
祿大夫

孔靖字季恭會稽人晉義熙中吳興太守歷尚書令
謝康樂有戲馬臺送孔令詩即靖也

孔琳之字彥琳山陰人吳興太守歷御史中丞直法無
所撓武帝行經蘭臺親加臨幸卒贈太常琳之不事產
業家尤貧素

張劭字茂宗吳人歷征虜將軍雍州刺史後為吳興太守諡簡伯子數字景胤父在吳興亡報以疾篤數往奔省自發都至吳興成服十餘日始進水漿葬畢不進鹽菜遂毀瘠成疾世祖即位改其所居為孝張里

沈文季武康人元徽中轉祕書監出為吳興太守文季飲酒至五斗妻王錫女亦至三斗文季在郡與妻對飲竟日而視事不廢昇明元年沈攸之起兵齊高帝加文

季冠軍將軍督吳興錢塘軍事

別詳人物徵

褚淵字彥回陽翟人尚宋文帝女南郡公主駙馬都尉
累遷吏部尚書淵初為吳興太守齊高帝餉物別淵語
人曰此人才貌非常將來不可測也卒佐齊篡宋歷太
宰司徒謚文簡

王延之字希季裕之孫也宋世為後軍將軍吳興太守
累遷吏部尚書太祖輔政與王僧虔中立無所去就時
人語曰二王持平不送不迎入齊歷左僕射謚簡通

志

蕭子晉臨川王映長子歷東陽吳興二郡太守遷左民

尚書

王瑩字奉光臨沂人宋駙馬都尉入齊為吳興太守有能名召還太子詹事中領軍東昏時徐孝嗣誅瑩頗綜朝政啟取孝嗣所居宅從弟亮謂曰此非盛德也瑩怒曰我昔從東度為吳興求身登岼徐時為宰相不能見知相用為領軍長史今住其宅差少快意時人咸謂失德謚靖恭

徐孝嗣字始昌小字遺奴東海郟人宋孝武時尚康樂

公主仕齊轉御史中丞出為吳興太守王儉贈四言詩
曰方軌叔茂追清彥輔柔亦不如剛亦不吐時人以比
蔡子尼行狀也歷吏部尚書封枝江縣侯

南齊書

徐孝嗣復故封使故吏吳興邱叡筮之當傳幾世叡
曰恐不終尊身孝嗣容色甚惡徐曰緣有此慮故令
卿決之東昏時賜死華林園和帝贈太尉謚文忠

王敬則射陽人性倜儻好刀劍屠狗商販徧于三吳宋
明帝以為直閣將軍齊高帝受禪以佐命封潯陽公為

吳興太守歷司空太尉武帝嘗令羣臣賦詩敬則曰臣若解詩不過作尚書都令史耳那得今日

袁彖字偉才陽夏人少有風氣善談玄為冠軍將軍監吳興郡事彖性剛常以微言忤世祖又與王晏不協世祖在便殿用金柄刀子治瓜晏在側曰外間有金刀之言恐不宜用此物世祖愕然窮問所以晏曰袁彖為臣說之上銜怒久之彖到郡坐過用祿錢免官累遷太子中庶子

孔琇之山陰人靖孫有更能歷尚書左丞左民尚書出
監吳興郡尋拜太守政稱清嚴明帝輔政防備諸藩致
密旨于上佐使便宜從事隆昌元年遷琇之晉熙王冠
軍長史欲令殺晉熙王琇之辭不許遂不食而死

張岱字景山永弟也宋泰始末為吳興太守齊武帝即
位再為吳興太守岱晚節在吳興更以寬恕著名遷南
兖州刺史

何戢字慧景廬江人歷吏部尚書出為吳興太守尚山

陰公主善姿容與褚淵善目為小褚謚懿子

王僧虔臨沂人泰始中出為輔國將軍吳興太守秩中
二千石僧虔不禮佞人阮佃夫佃夫言于明帝使御史
中丞孫曼奏僧虔前蒞吳興多有謬命檢到郡至遷凡
用功曹五官主簿至二禮吏署三傳及虔與弟子合四
百四十八人又聽民何系先等二百十家為舊門委州
檢削坐免官後歷開府儀同三司謚簡穆

南齊書

謝朓字敬冲陽夏人十歲能屬文永明中遷都官尚書

中書令侍中出為吳興太守歷司空謚靖

肱在吳興論啟公事稽晚淪輒代肱為啟上知非肱
手跡被問見原初肱在吳興淪于征虜渚送別肱指
淪口曰此中惟宜飲酒

謝淪字義潔遷司徒左長史出為吳興太守歷太子詹
事謚簡長城縣民盧道優家遭劫誣同縣殷孝悌等四
人為劫淪收付縣獄考正孝悌母駱詣登聞訴稱孝悌
為道優所誹謗橫劾為劫一百七十三人連名保徵在

所不為申理淪間孝悌母訴乃啟建康獄覆道優理
窮款首依法斬首有司奏免淪官

王琨臨沂人初名崑崙宋始為吳興太守入齊歷光祿

大夫

南史

琨傳吳郡太守琨守吳興別見吳慶之傳

李安民南蘭陵人齊高祖私人吳興太守封康樂侯歷
尚書左僕射諡肅

安民李延壽以唐諱易為安人今據齊書正之

吳興有項羽神護郡聽事太守不得上太守到郡必
須祀以輓下牛安民奉佛法不與神牛着屐上聽事
又于聽上八關齋俄而牛死葬廟側今呼為李公牛
塚

蕭惠休蘭陵人永明四年為廣州刺史罷任獻奉傾貲
上勅茹法亮曰可問蕭惠休故當不侵私耶吾欲分受
之也永元元年從吳興太守徵為尚書右僕射吳興郡
項羽神舊酷烈人云惠休事神謹故得美遷于時朝士

多見殺二年惠休還至平望帝令服藥而卒

謝覽字景滌陽夏人淪子也覽尚齊錢塘公主仕梁歷吏部尚書出為吳興太守卒于官贈中書令

蕭子顯字景陽齊豫章王子也齊世封寧都侯入梁歷國子祭酒吏部尚書子顯簡通賓客不畏鬼神愛山水為伐社文以見其志飲酒數斗頗負才氣及掌選見九流賓客不與交言但舉扇一搗而已衣冠竊恨出為吳興太守以恃才傲物謚驕

蕭正仁字公業為吳興太守有治能天監十年謚哀

臨川

王宏

子

蕭映字文明新渝侯普通二年為吳興太守郡累不稔
大通三年野穀生武康凡二十二處自此豐穰映製嘉
穀頌以聞

蕭昂字子明梁宗室普通四年出為吳興太守累官領
軍將軍封湘陰侯謚曰恭

王彬字思文臨沂人

闕

文章習篆隸與兄志齊名時

人語曰三真六草為天下寶尚齊高祖女臨海長公主
入梁為吳興太守歷吏部尚書謚惠彬立身清白推賢
進士有古君子風

王騫字玄成臨沂人歷度支尚書中書令出為吳興太
守復徵為尚書郎給事中謚安

孫庶字思約東莞人天監初傾意貴要得為列卿歷晉
陵吳興太守然處官平直遂以善政稱武帝嘗曰東莞
謙庶而已謙即庶叔父也

孟侯亶字世龍譙人歷都官尚書給事累遷吳興太守
豫州刺史豐城縣公謚襄

元景仲魏文裔也以父法僧來歸封枝江縣公歷廣州
刺史侯景作亂遣信誘之景仲乃舉兵將下應景會江
西督護陳霸先等起兵攻之霸先徇其衆曰朝廷以元
景仲與賊連從謀危社稷今使曲江公勃為刺史鎮撫
此州衆聞之皆棄甲而散景仲乃自縊而死

蕭琛字彥瑜蘭陵人守宣城後為吳興太守郡有項羽

廟土人名為憤王甚有靈驗遂于郡廳事安牀幕為神座公私請禱二千石皆于廳拜祠而避居他室琛至著屐廳事聞室中有叱聲琛厲色曰生不能與漢祖爭中原據此廳事何也因徙之于廟琛歷特進光祿大夫諡

曰平

以下並
梁書

蔡搏字景節濟陽人歷侍中吳興太守累遷中書令諡康

張稷字公喬琅弟也梁武起兵稷弑東昏迎梁武封江

安縣子歷吳興太守徵僕射後為青冀二州刺史為州人所害

張嶷字四山稷子也嘗為湘東王長史王暕日玄言因為之筮得節卦謂嶷曰卿後當東入為郡恐不得終其天年嶷曰貴得其所耳還為太府卿吳興太守殉侯景之難賊平元帝追贈侍中開府儀同三司謚忠貞子

裴之橫字如岳聞喜人少好賓重氣俠不事產業兄之高乃為絞被疏食以激厲之橫嘆曰大丈夫富貴必作

百幅被後為吳興太守作為百幅被以成其志後沒斬城之難贈司空諡忠壯

張纘字伯緒范陽人尚富陽公主封利亭侯起家秘書郎出為吳興太守歷雍州刺史侯景之難為岳陽王登所害諡簡憲

紹泰元年震州刺史杜龕舉兵攻信武將軍陳舊于長城義興太守韋載據郡以應之丁丑韋載降義興平遣晉陵太守周文育率軍援長城太平元年正月鎮東將

軍震州刺史杜龕降詔賜死曲赦吳興郡

梁書

王勣字公濟臨沂人博涉書史恬然清簡梁世以國子
生舉高第歷五兵尚書紹泰元年以侍中中書令兼丞
相長史時吳中遭亂民多乏絕乃以勣監吳興郡入陳
歷尚書左僕射諡曰溫

以下
陳書

袁樞字踐言昂孫紹泰中歷吏部尚書吳興太守遷尚
書左僕射諡簡懿

吳明徹字通昭泰郡人天嘉元年遷吳興太守及引辭

之郡帝謂曰吳興雖郡帝鄉之重故以相授後以功封南平郡公進司空南充州刺史

沈不害字孝和武康人大建中為戎昭將軍監吳興郡事

徐度字孝節安陸人紹泰二年除信威將軍郢州刺史兼領吳興太守歷司空謚忠肅子敬成大建五年除貞威將軍吳興太守歷安州刺史謚忠

杜稜字維盛錢塘人少落魄游嶺南從高祖恒典書記

陳受禪歷中領軍侍中天嘉元年封永城縣侯大建中
出為鎮東將軍吳興太守累官光祿大夫謚成

桂陽王伯謀字深之大建十年出為持節都督吳興諸
軍事中郎將吳興太守

新安王伯固字牢之世祖第五子大建元年授使持節
督吳興諸軍事平東將軍吳興太守

武陵王伯禮字用之大建初為吳興太守在郡恣行暴
掠為有司所劾

徐綜稜威將軍駙馬都尉出為吳興太守

談志

綜堅之曾祖也見文苑英華別見宮闈徵

周寶安字安民義興人父文育繫于王琳除員外散騎

侍郎文育歸復除貞威將軍吳興太守文育為熊曇朗

所害徵還天嘉二年重除雄信將軍吳興太守襲壽昌

縣公歷衛尉卿謚成子碧嗣位晉陵定遠二郡

陳書南史寶

安傳

寶安兩任吳興觀史始曰除繼曰復除三曰重除自

明若初任屬之文育則宜即書文育傳矣何文育逃
歸下南史云請罪詔不問復其官爵陳書云尋授使
持節散騎常侍鎮南將軍開府儀同三司耶談志能
致疑而不能讀史并載其父子及孫三世又先碧而
後寶安殊可笑也

元衢

任忠字奉誠小字蠻奴汝陰人以戰功封梁信郡公出
為吳興內史及隋師濟江忠自吳興入赴屯兵朱雀門
忠議固守臺城苦請勿戰後主從孔範言乃戰及軍敗

忠降隋

胡穎字方秀吳興東遷人天嘉元年除散騎常侍吳興太守諡壯

錢道戢大建二年除仁威將軍吳興太守未行改授郢州刺史

常鼎字超盛杜陵人梁開府獻孫鼎博涉經史明陰陽逆制善相術仕梁起家湘東王叅軍陳武帝受禪拜黃門侍郎大建中為聘周使歷臨海王長史行吳興郡事

入為太府卿至德初鼎盡質貨田宅寓僧寺友人毛彪
問其故答曰江東王氣盡此矣吾與爾當葬長安期運
將及故破產耳初鼎聘周常與高祖遇鼎曰觀公容貌
不久必大貴貴則天下一家歲一周天老夫當委贄願
自愛及陳平馳召之授上儀同三司

隋書

李德林字公輔博陵安平人德林能文章隋有天下為
內史令封安平縣公每贊平陳之計後出為湖州刺史

贈大將軍諡曰文

隋書

吳興備志卷三